

西園詩鈔遺編

四卷

文集遺編



C5578

77

西園詩鈔遺編卷一

南皮張擴庭海丞著

河出崑山
國史館印

退食吟

渡黃河

吾家舊住滄海上漁子紛紛慣踏浪壯時南遊江漢間萬里煙
波獨往還誰謂河廣僅如帶一葦杭之若等閒若等閒何不趁
風吹過白雲灣胡為乎傷心驛路極目關山乘馬班若空對潺
湲但見人影雜沓紛無數奔走狂呼共爭渡遊子一何怯豪奴

卷一遺編

一

一何怒闕如虓虎當船頭一肩行李不能附嗟予東西南北人
無妨暫息馬足塵顧茲飢驅四方者胡亦瞿瞿待水濱渡河豈
詎富不渡逾憂貧杖頭錢盡空蕭索誰復哀此無告民吁嗟乎
古有慈航稱普濟今乃如曳復如掣折蘆屬空談乘輿祇小惠
安得擲杖成虹橋濟盡蒼生無濡滯

題周迂塢抱書沈江圖

狂飈吹水水倒立魚龍突起鮫人泣驚歎船頭抱書人拌將七
尺殉瓊笈或謂憾兒蠢澈怒弗能忍或謂嗟數奇牢騷不可支
衆人曰唯我曰否先生獨立遺塵垢古人而外無知已要與詩

男葆
謙教
誠處
稜字
齋
書

書結死友吁嗟乎攜書得與靈均遊便葬魚腹也罷休猶恐馮
夷不識字古道還遭異物忌此身一死無復論那堪珠玉同捐
棄我謂君行莫草草錦江爭似文淵好卽謂人世多囂塵何不
閉門獨探討况君畜得丹鳳雛清越一聲字字珠其表緒相衍
橋梓華並敷會看天風引船去縹緲幻作登瀛圖

呈徐秋山太守

故國五千里宗風四十年不因來異域何處溯真傳得土韓歐
上論文晉魏前廟堂衣鉢在接武愧名賢

壽丁蘭谷

卷一遺編

二

武林間氣鍾英多中有蘭谷清裁我讀徧綠牙五萬軸登壇揮
塵如懸河傲岸自負有奇氣羞逐小儒爭甲科萬里看出不辭
遠五嶽真形當胸羅青袍三人庾杲幕筆花判事平無煩翻念
雞口勝牛後捧檄西泝錦江波其時煙塵障西北摩天利刃揮
長戈公來請纓度雪海快劍斫斷生蛟鼉捷書入告

聖顏喜除官溫詔來

鑾坡公到唐昌坐衙舍較若畫一捐煩苛花落簾垂晝無事一
編執向松間哦我甫入境採輿論聲聽遍無差訛入門下馬
看顏色眼底瞥見青雲過稱雨道晴志總契堂前鏡影資觀摩

公今六旬周甲子攬鏡頗惜鬢已皤吾聞梅福神仙尉百餘歲
尚朱顏酩公把素書妙願養一卷自能葆天和况復階前列嘉
植芝蘭玉樹交枝柯丹鳳有雛鶴有子大耋還卜受福那君莫
撫景嗟蹉跎聽我擊節爲君歌梅花發兮山之阿倒映流霞香
婆娑有酒不肯舞僂僂奈此春光滿眼何

春遊雜詠

萃覆波心柳覆堤新鶯宛轉向人啼桃花儘著漁船落載得春
光入別溪

處處青樓處處歌百花風裏管絃多周郎一顧尋常事莫把音

卷一遺編

聲故意訛

留別崇甯士庶

官民一體百凡宜大吏無端欲量移我到河梁惜分別爲君惆
悵立多時

千里雲山去路賒河陽還戀舊時花臨歧持贈無多語耕讀辛

勤好作家

暮雲

山色蒼茫日已曛天西黑影亂堆雲崢嶸好作奇峯看霖雨蒼
生不屬君

澆花

種花固不多人力足培護夕陽抱甕來隨手得甘露旱魃雖云
虐生機了無誤獨憐牆外枝空憶雨如注

錦里往來途中悶甚輒以一卷自隨憑軾讀之猶彷彿伏

案時也

遮眼一編在塵氣總不知每當行役日是我讀書時來往有神
會笑談與目期輿人休訝重千古併肩伊

戲區谷樵

淡黃襖子軟綿裝薰透羅衫袂又香似此一身分厚薄人間那

卷一 遺編

四

得不炎涼

夏日遊梓潼宮贈瑞菴上人

薰風一曲放衙初抱鶴招雲過野廬天與煙霞供玩賞僧將松
竹恣相於世間清福容輸爾宦局閒情合愧予話到忘機人坐
从霏霏空翠滿輕裾

白果亭

蓋影童童覆紺宮是誰高架碧玲瓏虬形天矯盤千尺翠羽迴
翔障半空頂上圓光常自在座間香意任冥濛鎖雲篩月看俱
妙老鶴何修住此中

觀稻

稻花香過早秋天新穗離離露影圓才識農家真富貴明珠萬斛灑芳田

冬日靜坐

一曲青琴歇閒閒此靜居還將今世事來証古人書煙篆穿簾細花香入座徐竹間聲窸窣雪意近何如

題畫

爲憐翠竹下階行蹙損香鉤一捻輕僥倖檀郎看不見嬌癡又喚可憐生

卷一遺編

五

畫桃

院宇深沈長碧苔百花風裏小桃開幅中花見香難見畫出尋

香蚊蝶來

夏初郊行

似放籠中鶴來聽陌上鶯遠村含靜意流水寫閒情麥熟黃雲重秧深碧浪平方塘明鏡畔叱犢一聲聲

月魄

閒愁應不到姮娥三五光華一瞬過花底陰森竟如許鏡中消滅已無多拌教幽恨沈清夜孰引離魂墮絳河卻憶階前人下

拜乞來夫婿近如何

蜀中冬日

澗草岩花暖意融時光恰與早春同卻思故國寒山外秃樹蕭蕭起大風

祈雨

雲漢昭回奈若何靈壇屢蒸爨香過縱緣人世愆尤集尚賴天心慈惠多憫獨幾堪遭轉徙屏騎底事新滂沱九閭願遣巫咸下看取春田欲槁

題于女桐小照

卷一遺編

六

天涯幾日倦遊還滿地松陰且閉關博得團圞兒女樂春風笑語出花間

竹葉新醅綠一卮漢江春酒幻奇思平陽弱女嬌癡慣要讀青蓮醉後詩

經訓畱畬世澤長君家祖述說毛萇朝來稚子趨庭過讀到周南第幾章

幕府清秋白日曛杜公詩思正空羣年來漫倚鄜州月錦水諸侯重憶君

石山

哭兀蒼雲石氣寒全無片土附巔岼吾民饑走荒山道誰說嵐
光秀可餐

余初莅丹崖偶出東郭見小民皆以負煤爲業男婦老稚
相屬於道詢其所獲則裹腹而外無贏餘焉斯民之苦
洵可傷已爲作負煤歎

肩輿出東門凹凸鮮平地石田不可耕民惟事荷蓐奔走兼苗
夷經營雜婦稚石炭重如山遠從洞口致積塊高過頂結繩繞
於背徑仄石子滑步步防顛躓假如蹶不振傷殘安能避危哉
負重人身世真如寄汗出不暇揮氣蹙曷攸墜胼胝入市城獲
祇蠅頭利出門天未曙還家日已墜幼子方啼饑老親正愁餒
檢點囊中錢所餘無一二涼風吹破屋且復埋頭睡念予莅茲
土職司在撫字顧此細傷民何以振窮匱博施堯舜病撫衷究
自媿歸來獨傍徨中宵不能寐

和唐雲亭參戎九日讌集臨江閣原韻

身帶爐香下九天春明好夢已如煙

時方引見圃任

分符再讀龔黃傳

結契新維郭李船鼓角聲中瞻氣象杜鵑花裏望神仙滕王高
閣簷帷駐得識陽公有夙緣

深秋時節未涼天近水遙山尚碧煙倚檻正開名士宴隔河催

送酒家船徑通松菊宜招隱橋接蓬萊城下有蓬萊橋欲化仙惆悵晚

衙人未散可能一笑滌塵緣是山予因公元未能預宴

送唐雲亭參戎出師西域

瀚海九月羽書馳陰風獵獵吹征旗廟堂制勝賴宿將重檄嫖姚西出師將軍昔驅大宛馬萬人辟易陰山下意態雄傑神飛揚凌煙圖畫不能寫天山之箭扶桑弓穹廬一洗煙塵空小范甲兵常在腹坐令胡虜欽英颯長纓幾日就束縛餘燼猶烈烈酸作令公免胃試重臨回紇羅拜膽應落况有李家鷓子軍少年英銳無與羣將星歷照榆關外跳梁小醜安足云君把雲麾指青海高堂莫憂老母在君母吾母疼癢關論交敢令初心改星馳電掣西北天計日饒歌賀勞旋博得

綸恩當萊綵看君戲舞萱花前

春夜宿山家

幾家煙火起雲隈隔水桃花次第開一箇漁郎難再入此中爭許外人來暮雲遮斷路三义杯茗招邀處士家紙閣蘆簾清夢穩不知何處是天涯

白頭吟

盪舟錦湖中荷花並蒂紅朝同挹清露午共披薰風薰風荷花
香中嬉雙鴛鴦比翼復交頸相顧不相忘鴛鴦荷花安足羨別
有柔情增卷戀妾意纏綿繫繡襦君懷出入珍紈扇繡紈扇
不須誇富貴由來意氣奢黃金纔賣阿嬌賦白頭旋增卓女嗟
憶昔同酌臨卽酒蕭蕭四壁復何有牛衣交煖誓同心屢屢勿
忘言在口當時祇翼壻乘龍壻已乘龍轉負儂卻思蓬戶有餘
歡藜藿一盤方共餐

殷德圃刺史向官益部引余爲忘年交意氣相投有逾廉
蘭王辰春解組歸養路出丹崖載咏河梁情難自己因

卷一遺編

九

作長古一章贈別

昔余獻賦黃金臺君家俊秀曾叨陪耳熟元方不得見鴻儀悵
望空徘徊天風吹醒瀛洲夢蜀道迢迢引飛鞚落落青雲干碧
霄德輝始覽薛家鳳薛家鳴鳳老更清振羽朝陽答六英百鳥
禁聲不敢發乃許鴛鴦相和鳴朝翻泊諧夕開讌雪月花時總
相見射覆每分曹投壺競傳箭或圍石上棋或其竹間硯芝蘭
入坐久相忘金石論交那能變徒倚常似比肩民差池詎作分
飛燕我赴綿州君赴瀘相思各在天一隅風旋萍蹤散復聚丹
崖咫尺仍殊途途隔咫尺據要路一棹晴江尙可渡蒼葭白露

夢魂勞況是伊人復改步吁嗟乎覆雨翻雲變態新宦場閱歷
多艱辛傾情倒意無所惜知已如君能幾人君去高堂舞萊絲
花萼樓下春如海我寄隴梅路苦遙君循陔草芳常在綠野堂
開花滿天凌霄黃鵠何飄然下視餓鴟守腐鼠高飛遠舉是何
年

署中賞桂有歌妓在焉二首

團圍桂影畫欄東一段天香散碧空花下雲鬟自來往不知身
在禁珠宮

樓臺十二踞高寒一曲霓裳聽未闌聲到下方無覓處大家齊

卷一遺編

向月中看

西園詩鈔遺編卷二

南皮張擴庭海丞著

男葆謙牧皋
誠虞階校字

燕遊小草

劍門謁姜侯祠

獨扼雄關隘關門終未開陰平飛將去益部敕書來夏禹功難繼李陵志可哀荒祠瞻拜處流恨滿山隈

有娶蜀女歸陝者詩以借之

名花宜作錦官春忽地移來渭水濱眉黛乍辭犀浦月額黃初

卷二遺編

一

被馬蹄塵嬌癡向祗薰香慣辛苦誰經擁篲頻想到漢宮人出塞臨風一樣淚沾巾

褒城神祠賽會男女雜沓至宵達旦風化之際誠有難言

守土者或宜留心焉

四月廿八祠門開紛紛鉦鼓喧層臺祠中列肆密如織婦女聯翩入會來但見神祇便叩首東廡西舍隨心走摩肩聯臂總無嫌汗香揮入旁人口更聞神婦說宜男別院同參白玉龕卻笑阿女逐孃拜祈禱也復聲喃喃行行同入酒家店薄釀雜蔬且屬麯飛杯爭勸新嫁娘醉痕上臉桃花豔晚來燈火尤輝煌

沸人聲滿道場鄰家姊妹向何處畫裙貼地眠迴廊夜深燼落
香銷炷深院遊人慢移步恩波浩蕩是今宵恐教驚起雙宿鷺

寶雞祠

寶雞昔日凌虛翔飛來飛去岐山陽瞥然彩羽夜流光化爲神
女雲錦裳上引秦穆叩天閭拜舞玉墀何濟蹉天公笑錫九霞
觴鈞天大樂聲琅琅夢醒猶餘御酒香西南霸業從此昌文兮
女兮神無方私謁乃能通帝鄉何有人間奔競場黃緣舉世皆
如狂

旅懷

卷二遺編

一一

去鄉日以近去家日以遠身如飄蓬飛心似輓轆轉新詩無可
吟濁酒聊自遣何日歸去來家鄉常在眼

曉燈涼雨驛邊樓樓外雞聲唱未休一夜旅懷何處寄東風吹

夢過瀘州

馬嵬

牛女前頭說誓盟凭肩絮語不勝情如何小小金甌缺賺出三

郎薄倖名

禁旅喧呼馬不前便教同穴也忻然翠華忍作西行計若箇花

枝令獨眠

花萎休疑造物慳天公著意惜紅顏若教白髮昭陽老誰向秋
風哭玉環

驪宮

傾國名姝宛轉嬌凭欄曾此話深宵誓當七夕情尤密想入千
秋恨未消珠箔銀屏春寂寂西宮南內夜迢迢蓬萊海上波無
際誰爲君王駕鵲橋

華清池

暖玉池邊碧影搖美人羞怯解輕綃半沾杏雨春初透一沃蘭
湯雪欲消清沼常餘香細細翠華空悵影迢迢芳魂尙繞長生

卷二遺編

三

殿幻作芙蓉出水嬌

時荷花正開

浴溫泉

溫泉細細瀉蘭湯踏碎玻璃碧一方從此人間誇豔絕華清曾
惹貴妃香

華州經寇萊公故里

鎖鑰鈞衡任並優萊公大節著千秋東宮位號從容定北國旌
旗指顧休性直不防了謂詐學疎空啟霍光羞天書再進終何

濟瘴雨蠻煙哭道州

神道碑

神道碑立通達官職姓氏昭昭垂塗墨施朱字如斗負以靈鼈
蟠以螭風雨千秋畏剝落花飄碧瓦相護持偉烈豐功那可紀
區區鄉里尋常兒當時過客無人識此後復知君爲誰秦碑漢
碣就湮滅峩峩百尺亦奚爲君不見野老破屋柱下石莓苔半
露雕鐫迹

白楊

蕭蕭併力作秋聲客思無端見欲驚影似梧桐難引鳳名同楊
柳不藏鶯平原大陸泉源響白日青天風雨鳴便是墓門休種
此那堪涼月夜三更

卷二遺編

四

宿上室

陶穴連朝看今宵此擁衾風痕逼細碎土氣出陰森微覺天光
同難禁夜景沈晨鐘飛不到且聽蟄龍吟

歧路

驅車繞迴溪溪邊有歧路轍淺石子光衆人競馳騫輿夫整轡
過去去休回顧莫謂此徑捷遽爾宛轉赴失足向偏頗顛躓那
無怖我惟王道遵穩向康衢步迂迴雖見譏進退有餘裕嗟嗟
叱馭人胡乃事詭遇

途中見赴童子試者有感

遊仙已上小蓬萊
利市襴衫得意回
總角女郎年十二
也知笑口背人開

楊柳東風闕世新
可憐蒼幹幾經春
參天便上靈和殿
爭似依依覺可人

臭蟲謠

微蟲爾亦住華屋
潛向匡牀伺人宿
人之肌膚爾魚肉
如蟻慕羶何逐逐
主人不寐自反覆
起然明燭視邊幅
若擷紅豆敏且速
聚而殲旃赤其族
蟲兮咬人人何傷
老饕未厭身已亡
寄言昏暮乞憐客
暗地無爲毒縞張

卷二遺編

五

田家

田家五六月禾秀
麥登場閒閒且無事
縱橫林木旁空翠
撲衣袖解帶松風涼
瓶貯新汲水清旨
逾天漿談笑唯所適
形迹爾我忘倦來
輒偃卧穆穆如羲皇
嗟予事行役火織方高張

家塾

草堂深柳坐來頻
尙是兒時未了因
每憶青燈書味永
彌思絳帳典型親
康成帶草窗前綠
衛國芄蘭座上春
嘆息程門星散後
不堪回首訴風塵

途中生日

車馬間關半九州勞勞又值歲星周一官卹足稱強仕萬里真
堪說壯遊天際雲山爭入畫鏡中鬢髮欲驚秋此行不戀鱸魚
膾尙擬功名趁黑頭

途次立秋日夜坐

光陰客裏悵蹉跎燕子巢成雁又過萬里途遙周碧巘三更夢
醒見銀河西風高柳涼痕早疎雨孤燈旅恨多曉起不堪頻對
鏡箇中人事漸銷磨

過漢孝子丁蘭故里

懷慶府

著手鍼鋒血不乾漢家奇孝說丁蘭宛同離裏屬毛際更比驚

卷二遺編

六

心嚙指難可想精誠通木石足知魂夢繞衣冠高堂幸際人
無恙忍把椿萱隔膜看

食瓜

行役三伏時冒暑度遙嶺汗出不可揮喘息那得屏探喉烈燄
生汲水乏修綆忽有賣瓜人車前特造請切來琥珀光捧出玻
璃影冰紋震齒寒玉液沁腸冷風生兩腋間頓入清涼境卻憶
南中熟朱曦午方永安得青陵瓜提出金甃井高堂飽食餘華
屋變清景道遠莫能將捫腹獨耿耿

少婦騎驢爲輿人所窘歌

星園一首 融風野賦廿四首

前車呼後車，吼輿夫歡笑拍雙手。爭看少婦顏如花，斜跨蹇驢入谷口。行行道出輪蹄間，後車之前前車後。前車方緩行，後車復急走。進退皆蕪藜，咫尺相持久。攬轡逡巡西，復東翠蛾低。歛朱顏，紅斜窺，不敢分明語。呢喃燕子罵春風，我語輿夫謹勿虐。看花爭教情懷惡，揚鞭爲拂馬頭塵。飛鳥一去青天廓。

七夕前二日抵臨潼再浴溫泉作

記得臨流浴荷香，乍吐紅振衣方幾日。倚檻又秋風，池沼荒煙外。樓臺細雨中，鵲橋期已近。誰更語驪宮。

臨潼夜雨

卷二遺編

七

嘹唳西風雁幾羣，雨絲斜織正紛紛。遙知灞岸添新漲，無奈驪山又暮雲。楊柳蕭疎窗外見，梧桐滴瀝枕邊聞。涼痕且拭冰紋筆，一向瀟湘夢鄂君。

次日雨中早行

浙瀝連宵響未終，曉來秋色墮空濛。西風回首驪山路，煙雨樓臺卷畫中。

秋雨涼飄萬縷斜，西風洒淚向天涯。黃姑也解別離苦，爭阻行人不到家。

七夕灞河阻水

秋影空濛雨一宵
灞河新漲綠迢迢
盈盈也似天孫渡
盼到佳期未架橋

是夕渡灞

秋風灞上獨徘徊
卻喜蘭橈爲我開
寄語天孫且相待
看儂依樣渡河來

七夕

銀河一綫望中浮
清淺焉能隔女牛
只爲兒家思壻苦
翻勞天上代人愁
年年歲歲常相見
世世生生不自由
惆悵太真憑檻處
羅衣風露不勝秋

卷二遺編

八

答陳生

陳生贈我琳瑯篇
篇中詞意何綿綿
手盥薔薇讀一過
清風習習生華筵
憶予春孟甫臨此
臭味芝蘭已可擬
白社未開名士樽
青郊又舉征夫趾
君望旌旗蒼靄中
我思岬岵白雲裏
歧途莫自縈離愁
壯遊萬里須臾耳
黃雲莽莽天風長
飄颻吹我入帝鄉
宮闕縹緲爐煙香
紫皇穆穆垂衣裳
咫尺

天顏引領望此身
親炙日月光翩然
凌虛下大荒
燕山秦嶺鬱蒼蒼
秀絕煙嵐不可掇
檢點併入詩人囊
卻憶歸時秋未老
月明皎皎出蓬島
攜壺擬上小山頭
花影滿身同醉倒

山中

山空不見人境寂兼無我縹緲白雲間丹爐正温火

書所見

出門何營營皆爲饑寒驅所行無艱險所事無卑污但使微利在輒爲衆人趨何有執袴子大笑咍人愚豈識錢刀貴乃如魚水須幾家連阡陌始同忘江湖涸鮒在淺轍吐沫聊自濡澤涸或不繼旋作肆上枯曠土何處有飢顏何時無人滿古所患撫掌空脚蹶

雞頭關

卷二遺編

九

度索之山高復高上有天雞喔喔號偶爲司晨失時晷一揮碧羽墮神臯翠屏萬疊乍舒翼綠樹千林初拂毛花冠昂首青冥上顧盼四極何其豪我來正值九秋節陰雨如晦風驚濤鷄兮胡爲不飛不鳴如凡鳥天下待爾一聲曉

定軍山武侯墓

魚水君臣事已虛漢家王氣竟何如伏龍今日成高卧不是南陽舊草廬

雲屬龍興佐漢年而今寂寂抱珠眠山中夜半風雷起猶聽長

吟欲上天

途中不衫不履頗覺自適入蜀境而酬應紛然矣因賦此
章

短袖衣裳折角巾白雲芳草日相親祇憐煙岫皆迎我無奈塵
氛又逼人檀板強娛山鳥性華冠重上沐猴身禮儀踈慢休騰
笑半載曾爲草莽臣

出南棧

白馬關前漾曉暉雲山迴首尙崔巍西州此去平如砥不向蠶
叢間是非

鳳嶺見山雞賦此

卷二 遺編

十

誰啣聲徹彩雲端天半朱霞絢羽翰笑爾山雞風外雛要人也
當鳳雛看

轎瓶中插芍藥一枝戲吟二絕

東風影裏一枝斜綽約丰姿隔碧紗朝逐郎行暮同住多情不
似路旁花

載得妍姿一路行相偎相傍不勝情儂身願化連枝樹喚取東
風作證盟

田間

插徧新秧綠未齊笠痕簷影動煙溪人家雞犬安閒甚此情聲

中山鳥啼

卷二遺編

十一

西園詩鈔遺編卷三

南皮張擴庭海丞著

歸田草

男葆

謙牧臬
誠處階

校字

漕船引

久坐漕運船閒爲漕運歌我歌請君聽芻蕘或不訛艤艫巨艦
如山重足載萬鈞天庾供一船例裝八百石無乃大材而小用
一朝催檄下江頭萬貨爭輸似水流堆積充盈欲解纜忘卻未
唱量沙籌水次喧喧並趨赴米色未呈已赫怒慾壑填滿吏爲

卷三遺編

姦土塵糠粃皆充數狼戾紛紛拋入船蒸蒸濕氣如雲煙三日
變青青變黑團團敗醬難下咽北倉監督恐不喜舟人大笑君
誤矣朽腐神奇妙用多迂儒安足以知此憶昨江南年歲荒小
民枵腹猶輸將三石未完一石糧化作金帛充筐篋其餘紅朽
輸天倉散入京師作官俸對餐能勿心惻傷嗚呼世間官辦
多相似諸君何以報

天子

舟過清淮飄風疊作巨艦行狹流中儘有漣漪之樂起視

高郵諸湖則軒然大波起矣

狂飈西南來浩浩聒人耳起視隔岸湖奔濤數百里掀騰鳧雁
驚飛舞蚪龍喜乾坤擺雷碾衝笑勢未已憶昔遊洞庭大風中
夜起聲如萬馬奔激蕩頗類此今我溯淮流權歌青鏡裏廣狹
雖異趣險夷不同軌乃知遠風波端在慎所履

野蓮

水草叢中花自開西施貧賤浣紗來誰將玉井瑤池種忍傍荒
塍廢沼栽君子無妨甘隱逸神仙豈定住蓬萊會嘗移向銀塘
去月白風清數舉杯

客至

卷三遺編

二

綠雲香靄暮庭槐午睡初醒眼倦開檐際鶻鳴知客至花陰犬
吠覺人來親朋話舊驚還喜僮僕傳餐去復回對酒莫辭拌一
醉驪歌聲裏重徘徊

示紀生

春深閒閉子雲亭問字車來尚此停多恐黃門荒落久不堪重
草太位經

君家學業有淵源浩浩文瀾舌底翻自己金針全在手卻教老
女繡雙鴛

暮村

村墟暮無人但聽機聲響時有燈火光斜出屋簷上

花朝

故鄉春信尙迢迢柳未抽絲藥未苗不是簫聲頻斷續渾忘今
日度花朝

百花生日豔陽天楊柳絲絲裊綠煙撲蝶會中人未散東風沈
醉畫簾前

西園

春意益西園獨遊亭午際東風拂柳條吹綠上衣袂遠望青畦
秀閒分碧煙麗萌芽不寸餘出土一何銳活活泉脉清茸茸草

卷三遺編

三

茵細小坐招東隣心交庶可締

祈雨詩

飄風西北來俗以西北風主晴颯颯不肯住雲氣久消沈高臺尙四顧

赤日灼中天黃埃飛滿路陌頭無青草遑問耕與穫曠野走旱

魃深池卧涸鮒哀哉下土民胡爲罹耗數恒風象屬蒙君聖占

已誤毋亦民氣瀉坐致神明怒修省各乾乾鼎新而革故崩角

叩靈壇虔心釀嘉澍天高聽不聞煩寃尙安訴

喜雨

八月不雨至是月沃土欲焦井源竭牆陰父老坐愁嘆無麥無

禾那能活五月廿一陰雲生五月廿二微雨零念三霹靂念四
晴土不破塊仍難耕喜慰三農是念五黑雲如墨風如虎電掣
雷奔西北來素練橫飛蛟龍舞真珠萬斛瀉遙天繁音密點隨
風旋渴驪倒吸三江水噴作簷端百道泉雷動歡聲連巷陌翹
首龍天手加額甘霖十月不曾沾今將更生沐膏澤播種明朝
好及時翩翩笠影聚東菑豚蹄更向屏翳祝莫誤豐年十日期

代家巖答李惠蒼

故人贈我琳瑯篇盥薇三復心惘然凝思頓覺形神換髮髯似
在花甲前君甫成童我未冠青年意氣凌霄漢鯉庭趨對典型

卷三遺編

四

親上下天人資講貫君家玉樹森成行我亦昆弟同相將滿座
春風飄古香星斗羅胸懸耿光縱橫筆陣摩空翔揮灑珠玉聲
琅琅暇日尋春過花塢滿身香影飛紅雨夕陽同上木蘭船河
上歌聲聽採蓮歸來蟾魄散清影擊鉢催詩妙緒逞冷然天籟
假之鳴月華皎潔風痕輕吟風弄月有餘情鴻都虎觀安足榮
此樂陶陶不可量星離雨散多惆悵泰山頽兮哲人喪君既秉
鐸開絳帳我亦綰組走俗狀楚江水碧楚山青天外驪歌不忍
聽廿年又走蜀川道鏡裏鬢眉人欲老塞雁南來問訊頻故交
零落半無人江湖水深關塞遠夢裏與君遠相親去年買棹還

桑梓遠道歸來八千里我行已覺疲君病未能起美人咫尺關
秋水渺渺相思倍難已吁嗟乎親朋老去不相過日月逝矣可
奈何况復當年同學十餘輩除卻竹林有幾多惟毓芳令姪及
予鳴玉叔現存
行將巾柴車緩組轡逡巡再歷舊遊地一簾花影一樽茶與君
細說六十年來事

書長生極樂世界文後

世路一何窄舉足多荆棘况此險阻境猶非百年身饑寒各愁
苦老病互吟呻哀哉可憐蟲眉宇何時伸忽作華胥夢心遊太
古春人物俱不朽光景咸維新與世無所求安有艱與辛與人
無所爭安有貪與嗔琴書適我性山川怡我神寸心有造化大
地無罣塵天帝不能居而我許問津境雖由心造覺實與夢因
羲皇過來日劉阮歸去辰行將拔宅往永作無懷民

汪少尉見過感懷二首

昔年萊綵進霞觴白髮雙親樂未央痛我萱花摧寶砌勞君藥
石窵青囊西池鸞馭音容杳北地狐邱道路長今日蓬門重見
訪夢魂猶繞舊華堂

歌舞樓臺日已曛燭花爐篆共氤氳安知場上魚龍戲旋友山
中麋鹿羣落日衡門易生感荒村薄釀不成醺白衣蒼狗原無

定攜手階前看暮雲

予告退家居意頗閑適無端根觸鄙吝復生殊乖元亮心
期恐令稚圭齒冷也作述懷詩

老驥伏櫪蒼鷹在韝壯志未忘千里雄心猶盼九秋木石渾噩
山林枯槁髀肉復生鬚眉欲老

見河干帆影有感

浮家泛宅動經年帆影重看尙惘然
峽黑曾穿蛟窟過岸荒每傍蜃樓眠
三更客夢關山月萬里人歸墟里煙
息得勞生方幾日乘槎不復羨張騫

卷三遺編

六

過隣家故宅

籬邊破屋遮夕照影斜斜雨甲烟苗地珠簾繡柱家茂林春鬢
馬枯樹暮棲鴉勘破興亡理無言對落花

雨中見巢燕作

雄燕祝天晴雌燕怨天雨雄飛試出巢得毋濡其羽漠漠野田
秋草蟲不可求艱難覓食返乳燕爭啾啾乳燕復乳燕幾日羽
毛變翩翩空際翔振翼無留戀可憶將雛時得食不下嚙

王孺人旌表貞節詩十首

江南松桂林早負歲寒節春暉幾日榮
條爾凌冰雪稜稜氣轉

巖皎皎志彌潔天心重後彫著子倍芳烈灼灼桃李花烟雲隨
變滅玉堂霜滿天此景成清絕

艱莫艱於履霜雪苦莫苦於茹冰蘖眼中熱淚心頭血滴向湘
竹永不滅懷清臺上志如鐵大義昭然日月揭九熊教子倍激
切父書一讀一嗚咽兩兒頭角特奇絕雙綰組綬綵花纈堂前
玉笋森成列齊著萊衣祝耄耄天上綸綍獎奇節燕喜鸞迴光
闕闕酒方行樂未闕我有一語語來哲人生立志貴勇決巾幗
鬚眉同一轍試咏黃鵠篇氣節一何烈咄咄長樂老富貴那堪
說

卷三遺編

七

名不可以旦夕爭氣不可以激烈使節義本庸行久於其道乃
安所止王氏蔭龐然起飲冰茹蘖三十年人苦如茶我謂甘且
旨殷勤撫家計卮勉教諸子用以光大門閭維持綱紀安節入告
天子喜帝曰予懋乃德錫爾繁祉命匠築懷清臺崇高其基址
非予一人有私于爾家此事動關治理但使中外臣民洞曉大
義皆如此天下可坐而定矣

梅之樹兮婆娑寒威栗烈兮獨發其華下有癯仙弔影而危處
兮歷艱辛以孔多冰心堅白以自厲兮卒能回雨露於陽和憶
春暉之倏變兮慘遭家之多難兒女呱呱繞余膝兮腸一日而

九斷和熊允余教子兮伴機聲而達旦期死者復生庶幾無愧
兮亦遑問 九重之褒讚也毛義捧檄兮上慰慈顏丹臺璀璨
兮紫禁遙頒炳日星於天上兮慰冰雪於人寰觀者喜極而轉
悲兮憺莫知涕淚之潛潛梅萼兮香深柏舟兮苦吟冠花史兮
續女箴抱幽芳以其閱千古兮吾以見天地之心

岩松心自堅井水性常定豈以素履貞必藉栢舟詠明廷重紀
綱大節先庸行匪曰私一人及茲厲萬姓彤管迭相褒斑衣有
餘慶余亦澹何心窗月梅花映

清霜入抱瞰日在天寸心千古一息百年鶴唳寒宵失其故侶

卷三遺編

八

節苦心堅惟我與汝墓門有栢其葉蒼蒼遺言在耳如何可忘
夫子有言子欲肯構教以顯揚輝生組綬夫子有言女無遺罹
得其配偶光啟門楣夫子有言室家輯睦福履來綏葛藟樛木
夫子有言門閭熾昌筮籥親職千倉萬箱死者之心生者克肖
九原可作不戚而笑素心內蘊清液上聞龍章鳳藻降自

楓宸史筆載揚貞珉永勒綱紀人倫爲天下式

玉甌聊罷斟檀板且停拍聽我歌栢舟悽愴動心魄高堂有主
人綺歲逢艱厄離鸞已潛形雛鳳猶斂翮厲志冰霜天程功風
雨夕淚拋萬斛珠誰識憂勞積兩兒幸成立翩翩青雲客上請

遊殊榮天書寵賜額峩峩綽楔高非木亦非石正氣所蟠結晃
耀炫金碧方春豔桃李及冬羨松栢不復遭奇窮安能享厚獲
太史採此詞衰然登典籍殘月曉風前去待人尋繹

板蕩識忠臣大節如山曾幾人冰霜說貞婦堅心似石亦罕有
貞婦厲節三十秋峩峩砥柱峙中流九重濡筆寫丹詔清名常
懸天上頭至德格天天亦喜默將餘慶錫兩子兩子何翩翩斑
衣嬉綺筵齊折筇綠華來共玉堂仙富貴壽考人爭羨飲冰茹
蘗何嘗見漫說皇穹雨露偏歲寒誰比松筠堅弱草微塵無爲
自苦此語中人遂成千古安得懸此冰鏡臺一爲天下清氛埃

卷三遺編

九

鏡鸞分翼廿餘年行義桓夔萬口傳杼臼搗殘空外月藁砧泣
斷夢中天梅花雪裏何嫌淡玉樹風前各自妍博得清名達

宸聽綸音遙錫紫微邊

丹詔飄來翰墨香翩翩袍笏拜龍章人間節厲冰霜苦天上名
懸日月光自有清徽垂不朽還從福善卜餘慶遙知潘縣花開
日兩處斑衣樂未央

掃地

茅屋賴修養安容塵雜侵晨興理垢穢藉以豁幽襟拂拭先几
案汎掃及庭陰不遣燕泥落永教蛛網沈整整齊架上書安置牀

頭琴虛室自生白容我抱膝吟擁篲豈云苦斯理妙可尋大而
在天下小而在一心

秋夜見白雲一縷橫亘天際

白雲一縷長竟天誰家匹練當空懸衣披闔闔乍遺帶弓挂扶
桑初上弦耿耿瑤繩弄雙影熒熒劍氣橫孤煙黃姑織素萬餘
丈夜半裁量秋漢邊

詠史

丈夫不讀書安識前朝事讀書昧真詮附會反無忌一倡晉陽
戈奸雄益縱恣朝廷如奕棋廢立等兒戲我沈太尉目瞪不
識字但聞范增謀詎解霍光議與宗亦人傑籌畫豈不至甯當
抱節終禍患安所避至性發天懷忠言挽狂穉君看青溪橋尚
有老臣淚

晚步見河上帆影

向晚意閒閒出郊弄晴霽清風如相迎爲我拂修袂煙靄遠村
微夕陽高樹麗亭亭河上帆遙接長天勢翻憶東還時萍踪久
淹滯歷盡波濤惡始借泉石計牛羊歸舊廬烏雀樂豐歲漉酒
招陶公素心應默契

重九

籬邊無計學淵明且向園林曲處行人事百年多潦倒天光九
日倍淒清花餘瘦影看猶斬詩入涼吟感易生卻憶往時裙屐
侶翠微紅樹酒同傾

昔年踏遍白雲層作賦才華我亦能風景近隨詩興減重陽無
處覓高登

致高希之

相與徧天下面交難悉數買絲繡平原不見趙州土我思在天
涯霽月映眉宇剪燭一論心此誼遂千古離羣悵索居幽意與
誰剖琳瑯忽見投字字入肺腑欲寄川西書已迴江東艣想見

卷三遺編

十一

素衣人節哀難自主我昔失慈範傷心目幾瞽東山屬望多靜
攝勿太苦思君前致詞恨無肅肅羽矯首望南天徬徨淚如雨

夢竹

三年別此君眼底令人俗誰向黑甜鄉森森種碧玉幽莖茁未
齊嫩筍密如束一枝忽天矯高接凌雲躡迴風颯然來屋角參
差綠猶似坐茆亭涼陰拂棋局覺來盼庭前錦綳失藻縛雷雨
籜龍飛空階尙凝矚

冰牀

白板無煩七寶裝據來安穩似胡牀卧遊便擬人千里連坐何

妨水一方霜印兩條途徑滑月華半榻夢魂涼羨他踏徧玻璃
影腳下銀鰲耿素光

高卧

抱璞守吾鄉人間萬事忘攤書尋古趣種藥發幽香道味閒中
永年華靜裏長北窗高卧處栩栩到羲皇

野行

猿鶴相招踏綠疇一邱一壑足風流幾番款段徑行處錯被人
呼馬少游

鄉居花事岑寂寒食出遊見籬落間數枝競放詩以賞之

卷三遺編

七

無花無酒恣春遊踏徧青畦興欲休煙外忽逢開笑靨風前頓
覺豁吟眸依依嬌態初臨水默默香魂獨倚樓俗眼應知憐愛
少幾回相賞去還留

春遊

典與古人會情與今人親童冠六七輩相呼踏芳塵荷杖者誰
子自稱太古民招我藉草坐爲說羲皇春向午風痕軟吹過楊
柳津幾枝照綠水瞥見名葩新弄花不歸去悵然思美人

上巳

晴和風日豔陽天春草春花取次妍事盡吉祥安用禊人能瀟

灑便如仙清談雅集蘭亭上狂士高歌沂水前卻笑流觴殊太
寂夕陽簫鼓泛樓船

咏貧士

三椽破屋對斜暉俯仰人間萬事非半世不知眠食好百年並
覺死生微雪中東郭常無履雲外西山但有薇昨晚鄰家摘新
韭妻孥同羨大烹肥

讀書二首

昔予少壯時經年鑽故紙沿襲唯皮毛咀嚼但渣滓自罷文場
戰始識誦讀理作事偶有觸默悟覺可喜前年歸故山塵雜紛

卷三遺編

三

無已開卷招故人坐令清神髓清風抱膝吟皓月澄懷擬筌蹄
不復存直詮斯出矣精逾百鍊金富過五都市秦鏡光不如魯
酒醇難比文瀾萬頃波浩浩無涯涘游泳於其間滄海一染指
諫果回彌甘蔗根食愈旨買犢還明珠無乃所見鄙絃歌白屋
中風雨青燈裏此樂誰與言端居託皇始

我有極樂國乃在縹緲鄉空中起樓閣萬象森在旁中有龐眉
叟貌古神揚揚爲我說治亂秩如網在綱爲我陳是非析理精
毫芒咫尺徧九州頃刻歷千霜有問無不答有答無不詳雄辯
神愈旺清談味彌長有時恣吟嘯逸韻凌風翔戲謔亦復善語

妙詣而莊聽者不知倦倦則息在牀一卷未釋手耳際聲琅琅
偶然出門去俗塵不可量譬如舍梁肉強使啖糝糠歸來自洗
耳拂几羅縹緗暫待先生側悠然聽古香

放言

我願文出昌黎手詩流太白腸幡然出門去矯首望八荒軒軒
與會舉高詠達天間揮以右軍筆龍蛇飛且翔擲筆倚長劍氣
作白虹光左揖浮邱公右揖汾陽王文章事業垂天壤常醉流
霞萬歲觴

紀夢

卷三遺編

十四

聞道神仙住紫宸玉樓金闕望中真昨宵一枕鈞天夢行盡青
冥不見人

讀書一首

清風拂書帷瞥然見老叟向我前致詞爲言別離久憶昔總角
年早訂金蘭友懷我不去心念我不釋口我情惟爾知爾意與
我厚我時出所藏爲爾炫其有送爾上青雲期爾同白首玉署
爾無分至竟墮塵垢傷哉陰雨篇中道輒分手名心展轉榮俗
狀倉皇走安憶故時交寂寥老戶牖頰鱗思江湖倦鳥返林藪
我意猶殷勤爾顏已老醜爾思風波險何如履无咎爾思機械

深何如安所守人情幻似雲道味濃於酒舍舊新是圖得非過
計否我聞慙悔弁再拜三稽首敬佩先生箴書向座之右重結
金石盟與爾同不朽

松間對奕圖

憶余素有圍棋癖摩娑楸枰未忍釋自從守拙歸田園座上久
虛手談客草茵細軟松陰涼是誰對奕磐石旁不知斧柯幾度
爛松花日日生幽香花開花落真清絕我欲從他學秘訣一局
終朝相對看饑來共飯松花屑

再題松間對奕圖

卷三遺編

五

一片機心未肯忘局中曾自費商量如今學作偷閒漢笑把旁
人促上場

本是倏然物外身葯苗滿貯一籃春無端入局閒爭道笑殺旁
觀袖手人

漁父詞

一領羊裘六月披客星豈必畏人知秋風兩箇蓑衣影認得臨
淵卻是誰

西風颯颯雁行歇紅蓼灘頭下網遲君過江湖須著眼此中恐
有帝王師

步月憶舊遊

酒意濃薰欲化仙素襟披向晚風前乍看池沼三更月忽憶江湖萬里天笛裏梅花閒倚棹杯中竹葉並開筵塵纓濯罷滄浪水醉傍沙頭白鷺眠

生日自悼

天之生我胡爲者局促豈如轅下馬藉謂老練始成才萬里曾經歷塊來搔首問天天不語唾壺擊缺淚如雨前度黑頭今欲睡嗚呼奈汝海丞何

題扇上梅花

卷三遺編

六

梅花六月滿芳樹怪底霏微起煙霧誰把一枝持贈君髣髴行人孤山路是時畏日流朱光炎氣蒸騰汗似漿一片冰肌忽在手頽教世界成清涼一拂寒藥開再拂幽香來座有清風不知暑竹屋紙帳共徘徊漫說花時紈扇卻羅浮夢裏春無著樓頭玉笛任頻吹梅花落盡爾不落

遲素心不至

秋色冷閒門離居不可道安得素心人相與攄懷抱巾車昨日還見說棲遲早咫尺不相聞徑途隔行潦西風楊柳疎白露兼葭葭老長嘯歸舊廬一樽自傾倒

題山僧跨虎圖

非關伏虎號能仁，心到忘機物亦馴。
騎出禪林玩真趣，水流花放四時春。

提將猛虎當牛騎，一領袈裟任所之。
歸向旃檀香裏坐，使君弭耳聽經時。

靜坐

城市光陰遲鄉村，光陰速。百花開落不關心，
五穀生成常在目。城市光陰速，鄉村光陰遲。
街頭宅第連朝換，嶺上煙霞盡日披。
遲速在心不在境，白駒一樣隙中影。
但教心地有餘閒，城市鄉

卷三遺編

七

村日俱永蒲團結就靜中緣，萬化冥合歸自然。
不用長繩繫烏兔，春光常駐羲皇前。

攜小兒晚步

閒園晚步喜相隨，樹底鴉翻夕照時。
對面人來看不見，與兒指點說唐詩。

晚步

小橋曲徑水彎環，又見投林宿鳥還。
日入漸教羣動息，天涯彌覺此身閒。
炊煙影出寒雲上，燈火光生遠樹間。
黃犬迎人歸去後，讀書聲裏閉柴關。

抱孫

四十六歲初抱孫戚族拜賀盈余門就中父老長太息坐見光
陰如駒奔謂余廿六甫舉子青雲意氣殊可喜如今生子又生
孫百年事業可知矣我聞撫掌發狂笑尺牘屈伸豈能料君不
見到漑翻藉貽厥力才子文章並華國又不見石家諸孫歸謁
來紛紛位號咸稱萬石君况予嚴親方矍鑠風姿翩翩比海
鶴幾回裁得老萊衣華髮未生不敢著祖幹秀孫枝妍相將同
戲莊椿前春風一笑俱童年

書眠

卷三遺編

六

筠簟光寒漾綠漪日長真與睡相宜夢中蝴蝶閒游戲飛入花
間鳥不知

綠樹陰中靜掩扉鴨爐香燼篆煙微迢迢一枕遊仙夢踏徧華
胥尙未歸

爲僧題畫二首

芙蓉出水本天然洗盡鉛華覺倍妍一點靈心空色相三生淨
業有因緣西風白社迢遙會皓月清池自在禪漫道孤根無著
處藕絲早已斷牽纏

水仙裊裊含幽姿寒梅著花花滿枝丹青點綴清且奇座中佳

果何離離是日清風拂虛幌胆瓶幾種閒供養蒲團趺坐萬緣空鼻觀微通神倍爽佛家別有天花香香國氤氳欺衆芳畫師欲畫筆難著乃在空靈縹緲無何有之鄉

隣家蜀葵盛開

漫說人間富貴花蜀葵一片影斜斜經來竹塢連宵雨放出菊檐五色霞雅澹端宜裙屐賞蕭疎不藉綵旛遮杖藜處士逍遙甚滿地涼陰坐吃茶

籐篔歌

紅泉碧澗籐花春削籐織篔光更新紋作冰痕質如霧晶瑩一

卷三遺編

十九

片無纖塵是時赤日方流火炙手匡牀眠未可堂前捧出軟琉璃頰覺清風來襲我鋪向北窗高枕眠一泓秋水漾淪漣麟文質滑翻愁冷蝶夢神清不羨仙卻思茅屋人憚暑深甑蒸炊汗如雨安得此篔千萬張坐令世界成清涼

望雨詩

煙雲遁形雷電死赫赫祝融煽未已禾苗葉捲根欲枯平疇盡日黃埃起被髮狂走叫帝閭斯民痾瘵天豈忘美食已具未下箸忍令旱魃來奪攘鞭起老龍駕雷鼓屏翳作勢空中舞須臾四野慶滂沱農夫叱犢行且歌

贈醫士劉乃圃

把卷閒參橐籥功太和春氣日融融允宗意到醫尤妙摩詰神
清畫亦工瀟灑襟期塵網外慈祥心地藥爐中他年董奉林邊
過認取花光十里紅

書齋

何須渾噩說羲皇人世機心我已忘高樹當軒涵淨綠古書盈
架發幽香眼從放處乾坤大身到閒時歲月長卻喜晴窗鶯燕
侶頻來鼓吹動詩腸

報錄

卷三遺編

二

一鞭飛騎出層城人世升沈頃刻爭遠道逢君皆動色高堂何
處不關情迷離夢兆猜詳久閃灼春光喜懼并不是泥金天外
至鏡聽猶自繞街行

蘆花

一天秋色墮寒渠恰是波涵雁影初晴雪霏微空際密淡煙冥
漠望中疎網懸夕照漁人艇門繞清溪處土廬幾度湖洄無覓
處西風嫋嫋正愁予

恭題王母韓太夫人節孝詩

后縉娠少康夏室絕復續瑯琊一線延亦貧女貞木錦衾角枕

十月餘商音忽變青鸞孤椿萱垂盡無根株不求集菟甘集枯
石麟誕降聲呱呱收涕驚視欸以歔死草華風今復蘇慈孝雙
肩俯仰俱倍教五夜增勤劬堂前笑語室中泣轆轤迴腸轉益
急擷芳采徧咳上蘭畫沙折盡屋邊荻盼得青箱世業傳鳳毛
濟美各翩翩澤流七葉簪纓貴誥博五花翰墨鮮懷清臺上志
如鐵豈料後嗣多賢哲天之報施永無缺梅花寒極香愈烈君
不見綽楔千秋字不滅清光猶自含冰雪

釀雪 七律

漠漠遙天黯黯陰化工珍重歲寒心連宵朔氣傳來緊幾處頽

卷三遺編

三

雲望裏深柳絮輕盈遲畫檻梅花掩抑逗疎林來朝定有騎驢
客準備新詩鬪上吟

賀人五十生子

商瞿昔舉丈夫子屈指行年五十矣君亦甫誕鳳凰雛樂事徐
來翻可喜人家誇數洗兒錢新婦參軍俱少年那識明珠出老
蚌寶光更比秋蟾圓是時賀客齊拍手甯馨英物幾曾有即看
頭角現崢嶸天上石麟得如否敬酌金卮前致詞桑弧懸戶莫
言遲郎君弱冠梯雲上纔是翁年七十時

送上人

清渠抱古寺喬木入幽徑中有慧業人一編自吟咏花圃閒怡
情蒲圃寂養性觀心身似雲刮膜眼如鏡楸枰對局閒冰甌滌
筆淨貝葉何必持自然絕觀聽我來逢暮冬繞屋梅花映入門
生道心坐久發清興茗香方滿樽松屑已出甑食訖兩忘言圓
月性中定念此勞勞身塵氛肆酬應安得依東林常聽深宵磬
文田上人真性如如不定不亂湛然而淵淳油然而雲動
脫緇流之妄迹得清淨之妙理黃花翠竹間吾徒恒神
契焉昌寒造訪迥見真吾難已於言用助拈花一笑云

爾

卷三遺編

三

聞說東林遠上人鏡臺不拭白無塵卓來錫杖忘機久刮向金
篋見道真世事閒看棋局幻化工寄託墨華新何時再結蓮花
社擬棹扁舟一問津

姜孺人節孝詩

青縣

汶泗出魯東山潛挾道氣以北來衛河會之行數百里與南岩
瀑布相潑洄秀鍾伏波裔其人磊落而奇瑰女亦遵明德訓洞
曉大義確然不可回來育於姜黃鵠早寡兩子猶嬰孩堂上寡
姑雙鬢摧豎哉孺人獨任勤劬代其夫用孝養厥姑入厨具甘
旨上堂問起居不知冰蘖苦但博親心娛孰謂母也天只不諒

人至性終回阿母嗔母曰嗟予婦卅載多苦辛遍觀戚黨無其
偷回憶往事泣下沾巾噫嘻君恩至重親心本慈如天之德尙
論報與施亦獨何心幸各視此姜氏孺人節孝詩

海棠

濯錦江頭別路賒樊亭春色隔天涯爲移海上神仙品又見人
間富貴花香外每教羞粉黛日邊常白爛雲霞湘簾捲處湏同
醉未許無詩似浣花

同日看東隣丁香

香痕細碎覆庭隈富貴神仙莫浪猜似聽西園呼婢子予家新

卷三遺編

三

報海棠開

月夜品茶

蕭然四壁靜無聲滿院花陰自掩荆瀟灑鶴從欄外立婆娑人
在鏡中行名心久共浮雲淡道念真同皓月清竹裏新泉煎活
火好將茶味細論評

西園詩鈔遺編卷四

南皮張擴庭海丞著

男葆

謙牧泉
誠虞階

校字

出山小草

題李藝林小照

時在壬寅之春

世事從來付一枰箇中消息最分明東山望重羣生繫南國名

高四座傾

公楚南人
善奕故云

我已青雲瞻偉抱君方綠野寄閒情何當

再運孫吳策倒挽天河夜洗兵

時海疆未靖於濟
世才有厚望焉

答咄咄歌

卷四遺編

一

天彭山上石嵯峨天彭山下惡氛多羣盜攫人掠財物夾途劍

戟鳴相磨大戶移家入城郭小戶斂迹藏岩阿虎踞鯨吞數百

輩橫行白晝曾誰何大吏聞風慮滋蔓備豫先令兵荷戈謬謂

書生能辦賊捧檄不許稍蹉跎慷慨就道報知已單騎飛渡九

溪河升堂遣役紛四出號令雖嚴政不苛招集團營結恩信吳

鈎笑看爭撫摩幕布星列二百里紛如鳥獸皆遮羅賊黨奔突

不能脫生剽犀象斬蛟鼉節相飛章告

天子掃清境內已靡他禁暴戢兵有褒獎論功行賞無偏頗是

誰忽抱不平憾奮筆書成咄咄歌輿論雖自有公道與我所見

卻殊科平吳破蔡訟不已當時執政徒嬖嬖嬰行者勤勞居者逸
如此裁量豈有訛况我職司在戢暴除惡未盡應被訶寬政優
容即微倖覬覦非分理則那秋月連宵揚素波菊花燦爛如錦
窠月下酌酒醉顏酖我與花影同婆娑功名富貴等閒耳一笑
浮雲瞥眼過

加官

加官袍服燦然新對酒當歌指畫頻莫怪登場呈假面宦場面
日本無真

贈強蘭洲

卷四遺編

青雲有客何昂藏入門氣作白虹光腰間三尺蓮花鐔上徹牛
斗生寒芒君家祖烈垂天壤臨難捐軀志慨慷碧血堆中姓字
香專祠合受千秋享

廟堂賞賜延後昆紆青拖紫有殊恩岷江導水源流遠閩海觀
風體制尊公子英俊更無匹學劍學書俱第一策名欲上凌煙
閣報國還持畫日筆轉瞬跋浪龍門山變化飛騰指顧聞箕裘
世業光前後閭閻勲名得未有吁嗟乎明德之後百世昌臣節
視此應自強

新柳

幾日春光洩柳條東風斜共酒旗飄才看弱質垂金縷未放清
陰上畫橋煙影迷離新翠活歌聲宛轉乳鶯嬌紅樓少婦臨妝
鏡爲爾眉痕細細描

題潘惺齋家山歸隱圖

寂歷數椽屋背山臨鏡湖水光自演漾樹影何扶疎先生昔年
此屋居興至出遊歸讀書自從遠宦西南隅家山東望雲模糊
張翰秋風思莼鱸遣人畫作歸隱圖披君此圖三太息悵觸情
懷轉難抑憶予買舟歸故山煙霞嘯傲十年間眼底芳草隨時
綠心與白雲盡日閒茆屋蓬門難久住馬蹄復踏蠶叢路武陵

卷四遺編

三

兩度發桃花摩詰幾番憶梅樹乃知清福由來屬列仙吾儕那
得長安眠况復辛苦風塵際此事亦關夙世緣所期俗緣滌冗
務捐一身進退皆綽然好載鬱林一片石與君同放陸公船

題潘蹟亭深柳讀書堂

柳陰深處屋三椽窗下攤書興酒然漫擬陶潛歸白社最憐張
緒是青年涼生畫檻神俱爽綠到金題字亦妍更有槐廳香篆
裊清虛留待玉堂仙

題有竹山房詩集後

潘郎才調本翩翩織錦詩成更可憐一卷攜來直骨肉幾生修

到好因緣推敲月下兼花下商榷琴邊與枕邊我向蘭陵尋絕
唱雙毫題徧彩雲箋

一家冰雪毓聰明雛鳳清於老鳳聲自有遺芳傳雅集更教稚
子擅詩名團圞兒女聯吟會唱和妻孥樂叙情爲問香山諸社
友何如闔室效嚶鳴

題美人畫紅梅

胭脂一片染毫端香自溫柔玉不寒應是妝臺閒寫照故留清
影與人看

紅梅幾點望中疎灼灼天桃豔不如爲問羅浮清夢裏美人曾

卷四遺編

四

似此花無

小孫以降阿飲池圖索詩

一川莎草綠烟平點點牛羊自在行橫笛牧童何處去隔林吹
出短長聲

田家風景畫中開藍本卻從何處來總角孫兒笑相語葩詩二

百倩翁猜

宋有感

白衣蒼狗本無常籌畫何須日夕忙今我學成安樂法不將前
後費思量

夜飲二絕

燈火熒熒夜漏遲壺中綠蟻獨斟時
休言下酒無他物舊譜閒評一局棋

前宵佐酒是圍棋今夕重攤一卷詩
風雨蕭蕭人半醉箇中滋味有誰知

有感

我恨不如街頭賈握算持籌能巧取
積得黃金北斗高美衣鮮食坐堂廡
傳聞有詔許捐輸億萬白銀歸太府
華蓋軒軒意氣揚青雲直上了無阻
自悔謀生途路歧鑽研故紙寒復暑
十年

卷四遺編

五

薄宦蜀江濱囊澀未能免貧窶昨日
貴官儀仗新倒持手版拜前塵孰知
陌上行春客即是街頭坐賈人

癸卯秋接閱蘭蓀弟文喜而賦此

余弟少年時軒軒青雲器頗冀九萬程
扶搖可立致中道志忽衰圭璋甘委棄
歲星倏已周屈指成何事昨宵尺素來
云就京兆試離羣擘擘肺肝兼復呈文字
凌空健筆飛矯若游龍戲重胡老日看迴
與曩時異北園丹桂花三度天香至媻娥
舊有盟先此報嘉瑞恭思先大夫賢書登
此歲得無誘其衷弗俾家聲墜撫卷再三
吟喜極還拭淚灼灼燈上花爲我吐香穗

七月十六日夜坐

月華如水碧煙流影落梧桐一院秋
忽憶黃州蘇學士曾從今夜泛扁舟

雷署桂開三次

姮娥爲我久徘徊故遣天香次第開
三度桂花攀不盡子孫都向月中來

望月

涼風蕭瑟動庭柯桂葉香從暗裏過
卻怪姮娥偏太甚鄰家春色比儂多

卷四遺編

六

倏時流影逼庭隅看到鄰家月已無
才識姮娥相厚意故因遲現永清娛

小孫持桂花索詩

童孫手把桂枝香云是攀來月殿旁
昨夜嫦娥招我去合持玉斧學吳剛

與諸孫講書

衙齋如水淨無埃細雨侵階長綠苔
繡罷茶經無箇事孫兒得得抱書來

爲兒講解兩三章文義粗疎也不妨
權把葩經當戲看國風王

女盡登場

參署園中菊花盛開與同人讌集賦此

卉卉固靡常朝新夕已故非抱凌霄姿安能葆其素灼灼秋菊
花乃有長生具受氣毓靈和秉操勵貞固每當俗豔衰始覺精
神露籬落綴繁英煙霞繪真趣不聞搖落時恰對清虛處雅集
做瓊筵如與高士遇鼻端香意通唇吻酒痕注亮節已堪領童
顏並可駐願言視此花相與保歲暮

留別王聘侯

荒城似斗託層巒如此經師得最難漫說高才栖枳棘劇憐妙

卷四遺編

七

手長芝蘭性靈畢向文章露子弟真當骨肉看一自春風容坐
後滿庭同結古時歡

松風正好共吟哦符檄頻催奈別何愧我防邊無善策感君投
句發清歌斯文骨肉情尤重解事兒童涕亦多
曾問孫兒輩云憶先生否咸槍
然涕下知否丹崖魂夢裏翩翩蝶影度雷波

留別李心齋夫子

故里曾聞說項斯
先生爲同鄉李五兄高弟嘗耳熟焉果然一見慰心期自饒鏡

水冰臺象不改渾金璞玉姿畧迹無妨相爾汝籌邊真箇有機
宜庾郎幕底蓮花藥爲我新開第一枝

留別王月堂同年

榜花同放舊知名一宰成都便識荆老父傾心延國士

公爲先父及

門兒童束髮拜先生曾聞契闊三秋想況是纏綿幾代情十載離悰難盡述相逢握手淚縱橫

再向彭門設講筵十年舊雨喜重聯何當綠酒紅燈會旋入蠻煙瘴雨天君意蹉跎增感慨人生聚散有因緣要知蜀郡無多路尙慰相思寄彩箋

留別劉少文同年

少年同占榜花春雖識韓公辨不真何意百蠻天外路重聯千

卷四遺編

八

佛會中人鄉關話舊情懷永道義論交臭味親可惜匆匆分手去紅燈綠酒未經旬

兒孫本擬坐春風絳帳無因致馬融到處逢迎名自重別來蘊結意難通卅年老友荒山外兩地相思夕照中何日故鄉歸去好一樽同對燭花紅

咏炭

守黑嗚吾輩炎炎火一堆任他紅到底轉瞬已成灰

炙手雖堪羨焚身亦可憐何如添細細常爇御爐煙

錦江清瑩澄澈迫金沙合流而色遂變矣感而賦此

只說包容納百川濁流遂已混清漣才知器有藁猶異不是同
心莫比肩

早行

客窗燈暗曙光侵又拂吟鞭度遠岑山頂漸升紅日曉溪頭猶
罨白雲深雞鳴斷續連墟落馬影逃離隔樹林卻喜丹崖行處
近芾棠重慰舊時陰

回敘永任作

昔予蒞丹崖風俗頗淳美樓臺嘯詠中道路謳歌裏爲有白髮
親亟欲返桑梓哀哉挂冠初輒見萱花萎莫勞郡民扶持託

卷四遺編

九

舟子艱難歲已周甫獲解行李篋裘幸可延瓶罍終堪恥哀樂
十年間光陰一彈指前年至蜀都微聞士民喜天彭及雷陽尺
尺仍千里燕飛兩度春始窺舊壘塞帷涕淚多不得奉甘旨
鴻爪無復存鼠牙未遑理訪舊半死生感歎殊難已座中有佳
士捧卮肅然起顧我勿歎息努力從茲始

初至丹崖憶弟

昔年笑語倚重幃萊彩同嬉愛日暉一自椿萱皆就萎那堪鴻
雁又分飛行庭但有妻孥在入里應知景物非惆悵紫荊花下
望何時與爾永相依

贈汪又庵少尉

春山曉霽畫圖新，特爲將離贈遠人。
一卷分牋常對晤，十年漂泊又相親。
鴻泥欲覓同官少，鶴俸無餘老友貧。
莫悵遷喬消息斷，嚶鳴留待續前因。

遇貴

行李託一肩，蕭然在途次。
忽聞叱咤聲，冠蓋軒然至。
青衣夾健夫，金絡擁飛騎。
高軒八尺餘，傲岸氣自異。
我輿不敢行，道側逡巡避。
舉手爲致恭，大有不屑意。
私語問行人，云是筦庫吏。

題江門九鼎山寺

卷四遺編

十

寶鼎何時落此巔，九峯秀色並蒼然。
詭奇自著神奸象，突兀遙思鼓鑄年。
路扼黔滇關隘險，勢通閩閩地形便。
休嫌錯列要荒外，莫定還應鎮八埏。

甲辰春黥圍至九鼎山紀事

九鼎嵯峨高入天，奇峯對峙江門巔。
重樓疊閣相鈎連，縹緲爐香凝紫煙。
是時鄰境頗騷然，手提馬箠親巡邊。
招集圍營前殿，前萬人環集森戈鋌。
江山氣亦壯，井里心同堅。
誓鋤非種盡耕鑿，獲安全九鼎嵯峨高入天。
斯民永如茲山之壽，無崩騫。

弄孫行

大孫頭角何崢嶸次孫亦慧亦憨生讀書課畢歌且舞籠鳥乍
出嬉天晴三孫四孫逐兄戲口不能言會以意身騎竹馬見翁
來繞膝捋鬚無不至女孫啞啞亦在旁兩手相撲如欲翔天機
活潑信可樂呼婢分與霜花糖

許寶城索書賦此

許生手執琅玕紙促我一試塗鴉技老嫗弄孩羞倒縹臨池欲
作還復止憶予少年初學書八法歷歷心自摹手生思滯筆力
弱凡骨欲換金丹無中年強預清華選珠玉琳瑯常在眼筆虎
鬚聲詎敢希墨豬遺謗終難遣一從揮手下瀛洲此事益同風

卷四遺編

十一

馬牛案頭但有簿書積架上曾無縑素留五花判事尤堪哂
筆淋漓墨流瀋漫詡揮翰走龍蛇徒啜結體雜蚯蚓秋月春花
逸典高騁懷亦欲託吟毫詩成腹藁又慵寫笑猜旁人爲捉刀
今朝勉應友生索凌亂花箋手自擘他時懸向粉壁間雪泥聊
憶飛鴻迹

南方之獸曰狔狔膝有媚骨見富貴人輒拜跪不已因爲
賦此

傳聞狔狔出南荒富貴驚心跪拜忙說與野人渾不信祇緣身
未到官場

翠袖紅裙白雪歌羣姬妖豔逗雙蛾匪儂甘處他人後其奈生
無媚骨何

月食救護遲廣文不至

蟾蜍蝕破月痕圓象緯關心拜禮虔怪煞鐘聲風約住無因吹
到講堂前

有感

笑爾書生太拙謀故教鑿枘誤相投行來仄徑難移步傳到新
聞但點頭花面爭插渾似戲冰心獨抱竟誰傳何時垂釣滄溟
畔一任忘機狎鷺鷗

卷四遺編

十一

輿緯

籃輿復借綠繩牽奔競情懷太可憐每爲脅肩因伏地一經援
手欲登天當塗攀附聲先壯危徑排擠勢易顛何似安車行處
穩從容拾級到層巔

修葺丹山書院

鹿洞鷺湖迹已頽鳩工重喜講堂開荒齋乍闢蓬蒿徑大厦新
添柱石材絳帳先生安且吉青衿子弟去還來五雲遙望魏巍
處依舊文光接上台

望江樓

昔人雅愛澄江景官廨西偏築此樓檻外頽波空自逝竹間小
閣幸常留斜陽晒網漁翁舍細雨推篷估客舟坐久端然成吏
隱好風吹夢到滄洲

紅崖

紅崖千仞勢崢嶸天外奇峯畫裏呈林表經年雲不散澗陰向
午日初明關河束鎖黔山險驛路西連蜀道平遙憶層巔登歷
客彈丸指點認雙城

卷四遺編

十三

古詩

千日既開關西東臨山嶺觀波西戰馬平誠就翠蕭空
珠璣千府薄袖制天必浩峯畫真呈村遠野平津不借離劍
孫

劉汝風知莫匪

關雎常留綠楊柳餘舍餘用對登前谷快坐人部

昔人雅愛澄江景官廨西偏築此樓檻外頽波空自逝竹間小

西園文集遺編

老龍洞記

邑之東山奇峯萬疊翠摩空際雲氣迴繞常彌月不散甫入山泉聲盈耳尋源而上峭壁之坳呀然洼然榜其石曰老龍洞洞之內石面光潔可容十數人北有門窺之正黑好事者嘗持燭入行三四里聞水聲雜沓若風雨始懼而退出洞數武積水爲潭形團團似鏡沫纍纍似珠清漣澄澈藻荇之根悉可指數傍岩際作深青色投以石聲圓如磬良久乃已蓋洞中之水伏行曲折始滙見於此云夫潭之渟蓄亦無幾耳泛濫四溢澗谷瀾瀾流注數十里田家之賴其浸漑者殆以萬計出山之功何其溥也倘所謂溥博淵泉時出不窮者歟抑又聞之歲旱禱於洞輒得雨然則霖雨蒼生天下被澤且將於此洞乎卜之又豈第利及萬家已哉

葉母王宜人暨藥城縣學博春岩公合傳

宜人復齋先生之繼配也先生以名進士服官楚北文章政事卓冠一時而其得盡心於職守俾無內顧憂則一惟宜人是賴宜人賦性明決洞曉大義治家秩然有法度撫前室子女恩勤周至一如其自出及稍有過失仍切責不少貸婢僕悉遵約束

畏威懷德無佚志無惰容閨門之內肅若朝廷焉方先生之宰
鄖縣也白蓮教黨羽四起焚殺劫掠逼近城邑宜人謂先生曰
丈夫以身許國此正致命遂志時也君其努力王事勿以家口
爲念脫有不虞當以身相殉不令君獨死也因繫帶梁木間并
積薪門外指示家人此即吾死所矣賊至急焚吾屍無使賊見
家人泣受命遂悉出所有分賞士卒士卒感激流涕爭爲致死
山城如斗孤立賊叢中而卒獲安全固先生之捍禦有方實宜
人亦與有力焉賊平先生以功擢沔陽牧前此招募賞需之費
尙無從歸款宜人躬自刻苦謹出納漸次彌補數年之內公項

文集遺編

二

以清不至以名迫貽子孫累丁卯先生捐館舍扶柩回籍止棲
無所宜人葺治草屋數間荆釵裙布一如儒素終日課子孫讀
有畫荻熊先之風焉以故登仕版列鬻官家聲賴以不墜云宜
人前室二子春岩其冢君也讀書穎悟青年補弟子員稍長慷
慨有大志以節義自持尤雄於力能昇祠前石鼓當鄖縣被兵
時腰弓挾矢梭織城垣上與士卒同勞苦恒數十晝夜目不交
睫城中恃爲保障復齋先生謂之曰城小而孤非以戰爲守示
以不可犯城且難保汝其固守予出銳師以拒之幸而濟邑人
獲生不濟則死之亦職也因選壯士五百人出北門伏山谷間

戒各屏息以待惟予馬首是瞻俄焉賊衆數千人鼓噪而來士卒屹不動相距不數十武先生怒馬突出奮聲叱咤衆合應之虎吼而進響震山谷賊衆披靡所殺過當從此相戒不敢犯其境大帥將以守城功入

奏春岩不欲以軍功顯辭弗受甲子舉于鄉方謂顯要立躋可以得其素蘊詎春闈屢躓至丁丑科始以大挑二等選授樂城縣教諭人皆惜其用之弗竟也春岩獨慨然曰吾輩讀書要期隨地立功不負所學縱不能高牙大纛立功萬里外卽此整飭綱常磨礪風俗獨不可以自効乎爰大開講舍進生徒而訓之

文集遺編

三

曰

朝廷養士非第欲文章華國也士爲四民之首居心行事都人士恒則效焉爾其各體

國家作人之意崇正學敦實行以爲闔邑倡諸生爭自濯磨期無負先生教風俗遂爲之一變癸未卒於官門人擗踊號哭躬含殮餼錢送歸皆服心喪三年

贊曰見危授命儒者習言之其究能卓立不回者幾人哉迹宜人之行事卽烈丈夫何以加茲雖幸獲生全其志已可與日月爭光矣春岩爲余言及當時戰守諸事抵掌縱談目光炯炯若

炬固忠孝之鬱於天性哉亦其抱負素偉也惜乎其以學博終也然職司風化吾道賴以昌明則其有裨於世者又豈淺鮮歟

初次祈雨文

維神總攝幽明參贊化育要皆以慈惠爲心輔 國家衛民生也此來屢蒙惠賜雨暘時若歲獲有秋此恩此德曷其有極卽今入春以來如膏時降菽麥滋榮亦歌豐稔唯際此穀秧甫播塘堰枯竭正需水之方急恐播種之失時倘不沛施恩澤則穀將不登饑饉荐臻萬家失望流離堪憫 擴庭 職司守土目擊愴懷茲特同我寅好步禱 尊神望宏施法力佑此羣黎奔雷

文集遺編

四

激電須臾而井畝皆酣倒井翻盆頃刻而溝渠立滿快流滋於豐澤四野歡騰兆大有於嘉禾三農望慰行將肅我祀事仰答神庥靈爽來格尙鑒鄙忱

祈雨文

維年月日某某謹再以楮香酒醴致告於 尊神之前曰伏以神威莫測默司賞罰之權帝德好生總以慈良爲本迺者春雨稀少田畝就乾覩龜拆其堪虞代鳩黎而請命曾於月之十七日虔設雨壇朝夕祈禱數日以來未蒙渥賜深虞耗斲之逢緬惟致災之故豈官之刑政失平與民之風俗不古有以違天和

而干天譴以故以恒賜示之罰耶夫生人有自新之路而上天亦有悔禍之心茲擴庭返躬修省夙夜不遑而都人士亦復震

動恪恭勞來奔走於此而猶靳之澤勢將播種愆期倉箱無望

四境之民流離失所在擴庭職司守土已饑已溺咎其奚辭而

尊神秩崇祀典庇佑羣黎值此危急之時不一為援手救無亦

愴然有所動於中矣乎謹再薰香沐浴虔竭鄙誠率我寅恭及

我子庶併心壹志稽首輪忱伏祈 尊神宥既往之愆布維新

之令沛然下雨溝渠滿盈庶播穀及時西成無恙則凡吾士民

含哺鼓腹之年何莫飛戴德銘恩之日也翹企靈壇不勝悚惶

待命之至

文集遺編

祈雨祭 關帝

伏以國以民為本民以食為天迺者春雨愆期田畝乾竭闔邑
惴惴憂心如薰伏維 大帝正義植綱常忠心扶社稷恩德所
被宇合同沾斷不忍於萬姓愁嘆之時而隔膜以相視也茲復
虔心設壇率眾祈禱敢祈 大帝轉奏 天廷立降滂沱廣被
四野庶幾播種及時蒸民率育則 大帝之為功於社稷者無
窮而羣黎之戴德於神明者亦靡既矣

謝降文

伏以大造網緼物性之資生有藉太和翔洽天心之惠愛無窮
曩因春雨愆期率衆祈禱五日之間未蒙溼澤嗣復改設雨壇
再行籲請彼時烈焰橫空蘊隆在望方惴惴焉懼天心積怒於
此方而莫之能解也迺於設壇之次日油然而沛然雲行雨施田
畝霑濡既優既渥萬家相慶並獲更生伏念擴庭措施多乖與
吾民積習之染未能以喫革也災變之來誠非無故乃一經洗
心滌慮對越駿奔立沐恩膏捷於影響則天心愛物之仁與
人以自新之意者不既昭昭矣乎擴庭自當率我士民益加脩
省以期仰答神庥而過此以往尤願雨暘應節澤潤生民天時

文集遺編

六

人事交相爲理風俗醇而民於變陰陽和而年大有則我
國家之所以崇德而報功者固益永世勿替矣靈鑒匪遙來歆
來格尙饗

